



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Epistola ad Vicarios foraneos.

urn:nbn:de:hbz:466:1-10502

cum cætera omnia coram vberius exponet, tum pro salutari huius Prouinciæ cura, nostris etiam verbis ab ea supplex nonnulla petet, quæ vt consequamur, nos precibus summis obsecramus Sanctitatem tuam. Quam Deus Ecclesiæ suæ incolumem conferuet diu. Mediolani,

Formula literarum ad Episcopos Prouinciæ, de affixione, & promulgatione Concilij Prouincialis.

Die Sabbato, qui dies fuit 4. Idus Aprilis, decretorū quæ in Synodo Prouinciali edidimus, volumē imprefsum Ecclesiæ Metropolitanæ valuis de more affigi, promulgarique iussimus. Cuius sanæ promulgationis testimonium à Cancellario nostro Archiepiscopi exscriptam atque obfignatam cum his literis coniunximus. Typis autem Mediolanensibus edita eorum decretorum volumina duo Amplitudini tuæ mitto: alia porrò quæ ad istius Cleri vsum opuserunt, hic haberi poterunt, vbi pro totius Prouinciæ ratione edita sunt quamplurima. De illis autem in Synodo Diocesana, quam Amplitudo tua proximè habitura est, legendis ac promulgandis, sicut non dubitamus, quin ipsa pro sua pastoralis sollicitudine ad Prouincialis Decreti præscriptum agat: ita speramus fore, vt in ijs ipsis exequēdis omnino adhibeat debitum, & studij, & diligentis industriæque pastoralis officium. Quod vt planè præstet, per viscera Christi Domini hortamur Amplitudinem tuam. Cui prospera & salutaria omnia à Deo precamur. Dat. &c.

Formula iurifurandi à testibus Synodalibus præstandi in Concilio Prouinciali, Habetur supra in Concil. 4. Prouin.

A C T A

Synodi Diocesane XI.

Illustris. & Reuerendis. in Christo Pater, & Dominus noster, Carolus Tit. Sanctæ Præxedis Presbyter Car-

dinalis, Dei & Apostolicæ sedis gratiæ Archiepiscopus Sanctæ Ecclesiæ Mediolanen. salutarem admodum, ac disciplinæ Ecclesiæ valde accommodatum & vtilem vsum cogendi quotannis Synodum Diocesanam, ex sacri Tridentini, & Prouincialium Conciliorum præscripto, quantum in se est, pro Archiepiscopali munere suo retinere & conseruare volens, hoc anno 1584. Synodalem hunc vndecimum conuentum, in superiori proxima decima Synode de more indictum ad diem iij. Maij, in Calendario primùm adscribi, & per R. Archidiaconum solenniter sacro Epiphaniarum die ad præscriptum denunciari iussit, vt infra.

Denunciatio Synodi Diocesane in Metropolitana.

HOC item anno, dilectis. ad Dei Omnipotentis, Beatæque Mariæ semper Virginis, ac S. Ambrosij Confessoris, & beatorum martyrum Protasij & Gerasij, patronorum nostrorum laudem, Synodus Diocesana die iij. Mensis Maij adiutrice diuina gratia celebrabitur. Pij igitur vestris precibus instate, vt Vrbs, & Diocesis hæc Mediolanensis, salutaribus augeatur vitæ Christianæ disciplinis, ex ijsque fructus, suffragantibus eorundem sanctorum patronorum nostrorum meritis, vberiores in dies afferat in Domino.

Synodalis autem dies cum instaret, Illustris. Archiepiscopus studium & operam Vicariorum foraneorum, vt actionibus Synodalibus hac etiam ratione consuleret, his literis requisivit, quæ ad omnes scriptæ fuerunt.

Epistola ad Vicarios foraneos.

RE V. Vicari. Cùm dies Synodalis iam instet, sollicitudinem tuam hoc tempore præmonere volumus, vt debito apparatu ad rem Synodalem fructuosè per nos peragenda instructus conuenias. Quidquid verò pro tui muneris ratione in isto Vicariatu animaduertisti, quod ad actionē Synodalē spectet,

et, nos quamprimum certiores facies; vt ante statum illum diem Synodi, opportunè consulere valeamus. Sedulo efficies, vt ad Vicariorum foraneorum conuentum, qui ante Synodum in ædibus Archiepiscopalibus de more habebitur, pridie eius diei benè mane accedas. Omnes autem Vicariatus tui Ecclesiasticos viros, qui ad Synodum conuenturi sunt, admonebis, vt eorum quicquæ iussiones ordinationesve nostras, vel visitatorum nostrorum, tum eas quæ ad ipsos pertinent, tum quò ad loca, & Ecclesias, & Capellas, altariaue quæ obtinent, quibusve addicti sunt, secum afferant; ac præterea quæ in Synodo nostra iij. certis capitibus, de parochis, Clero, Ecclesiasticis, populoque sigillatim nominatimque distincta ac præscripta, ad Synodum Diœcesanam accedentibus afferenda, referendave, atque agenda esse iussimus, accuratè omnia & singula præstent. Curabis etiam, vt quicumque in tuo Vicariatu beneficium aliquod Ecclesiasticum obtinent, illius collationis prouisionisve literas seu Bullas afferant, aut si alicui Parochiæ, vel etiam Capellæ sine titulo inferuerint, literas deputationis facultatisve, quibus illud officium præstant, nobis exhibendas deferant. Qui verò quacunque de causa ad Synodum non accedent, eas literas omnino ad nos perferendas tradant. Tu verò, præter cætera quæ pro munere tuo præstare debes ex eadem iij. Synodo, indicem potissimum, quem hoc tempore à solitudine tua maximè requirimus, in quo omnia cuiusvis generis beneficia tui Vicariatus diligenter ac sigillatim notata sunt, afferas: vacantia verò, à quibus legitime administrantur, ad præscriptam instructionem quam hic adiunximus, connotabis, & describes, vt tandem huius rei exactam cognitionem semel habeamus. In alium Indicem diem certum dedicationis vniuscuiusque Ecclesiæ tui Vicariatus, si ex certis monumentis haberi poterit, referes, quem ad nos ante statum illum diem mittes omnino. Mediolani ex ædibus nostris Archiepiscopalibus v. Calen. Martij. M. D. LXXXIIII.

Testes etiam Synodales in Ciuitate & Diœcesi constitutos his literis muneris suscepti excitauit, & monuit.

Epistola ad testes Synodales.

CAROLVS Cardinalis Archiepiscopus. Reu. dilecte. Iam dies Synodo constitutus aduentat; & quæ sunt tæporis per nos decernenda erunt, prius accurate sunt consideranda, prout huius nostræ Ciuitatis & Diœcesis necessitates in Domino postulant. Vt igitur omnino ad nos pro muneris à te suscepti ratione quamprimum te conferas (debes enim ex Diœcesano & Prouinciali decreto mense ante diem Synodalem) his nostris tibi significare volumus; vt quid super eo agendum erit, maturè postea deliberare possimus. Mediolani ex ædibus nostris Archiepiscopalibus pridie Calen. Martij. M. D. LXXXIIII.

Vt etiam Illustris. Archiepiscopus actiones & rem totam Synodalem pijs religiosorum, & populi totius precibus adiuuaret, orationem in vniuersis Monasterijs virorum & mulierom vrbs, & in Parochijs item, epistolis ad eos scriptis, indixit.

Huiusmodi literarum ad regulares exemplum habetur supra secunda parte Actorum in Synodo Diœcesana viij. pag. 81.

Epistola ad Parochos.

RE V. Parocho. Voi sapete, che alli 4. di Maggio con la gratia di Dio faremo l'XI. Sinodo nostra Diocesana. Già dopò tant'anni che siamo in questo corso continuo di tale azione, non douerebbe esser necessario, che noi vi ricordassimo, quel che voi solcitate da voi stesso douresti fare; nè meno che desiderassimo tutta la diligenza, che douete, & à voi, & al popolo vostro, & alla Chiesa istessa parochiale, che v'è stata data in cura. Con tutto ciò v'auisiamo, che trà questo mezzo vi raccogliate bene spesso fra voi medesimo, e con timorata e religiosa coscienza (che anco questa preparatione ricer